

鹽亭老人袁翁煥仙夫子口授

門弟子

南先生懷瑾

等輪記編輯原籍

徐先生劍秋

原維摩精舍法嗣蜀中門人等研讀記錄編輯

維摩精舍叢書研讀錄

維摩精舍叢書集粹

標點修訂彙編本

講述 李曰申 主編 呂笑龍

CHUNG HWA UNIVERSITY
中華書局出版



鹽亭老人袁翁煥仙夫子口授

門弟子

南先生懷瑾

等輪記編輯原籍

徐先生劍秋

原維摩精舍法嗣蜀中門人等研讀記錄編輯

維摩精舍叢書研讀錄

維摩精舍叢書集粹

標點修訂彙編本

WEIMO JINGSHI CONGSHU JICUI

講述 李自申 主編 呂笑龍

GUANGXI NORMAL UNIVERSITY PRESS
桂林
· 桂林 ·
广西师范大学出版社



圖書在版編目（CIP）數據

維摩精舍叢書集粹 / 袁煥仙著. — 桂林: 廣西師範大學出版社, 2012.1

(維摩精舍叢書研讀錄 / 呂笑龍主編)

ISBN 978-7-5495-0920-1

I. 維... II. 袁... III. 大乘—佛經—研究
IV. B942.1

中國版本圖書館 CIP 數據核字 (2011) 第 223473 號

廣西師範大學出版社出版發行

(廣西桂林市中華路 22 號 郵政編碼: 541001)
網址: <http://www.bbtpress.com>

出版人: 何林夏

全國新華書店經銷

桂林廣大印務有限責任公司印刷

(廣西桂林市臨桂縣金山路 168 號 郵政編碼: 541100)

開本: 880 mm × 1 240 mm 1/32


印張: 18.5 字數: 200 千字

2012 年 1 月第 1 版 2012 年 1 月第 1 次印刷

印數: 0 001 ~ 5 000 冊 定價: 85.00 圓

如發現印裝品質問題, 影響閱讀, 請與印刷廠聯繫調換。

獻
給
父
輩



相德子夫仙煥翁袁亭鹽

鹽亭袁翁煥仙夫子事跡概述

先大人諱其章名煥仙字世傑，四川鹽亭縣麟瑞鄉龍顧村人。少有逸才，侔儻不羈。健談論，善畫，工書，早以辭章聞，未嘗齒及。清末，應童子試，年十三，名列前茅，先宿震之。辛亥革命後，畢業於四川法政學堂。

夙結納英賢，奮志邊疆。民國五年（一九一六年）署越嶲縣知事。會護法軍起，從故國民革命軍軍長張午嵐唱義南中，會於寧遠，事敗，張午嵐走山澤死。先大人從別道呼援，爲敵得，拘越嶲縣署中。既而敵帥陳雲皋悉蔡鐸任護國軍討袁總司令，熊克武爲四川招討使，於是自寧遠抵越嶲，釋其禁，並面畀以三要職，先大人固辭，乃禮送先大人返省垣。旋熊克武任四川都督，高先大人才德，委任鹽邊縣知事。嗣後川軍內訌，爭戰時起，軍首多羨其才調絕倫，競相延攬。先大人謀爲弭亂，安謐人心，常折中樽俎於其間。曾賓直、魯、豫十四省巡閱使署及川康綏靖公署高等顧問。

民國十五年（一九二六年），廣州革命政府在北伐進軍中，委楊森爲國民革命軍二十軍軍長，駐防萬縣。楊委先大人署理夔關監督，兼任聯軍總司令部軍法處長。夔關監督，優署也，理之，清守如舊。凡決獄，必窮狀允證，既定讞，猶原情有三，尤其矜重死刑。蓋先大人夙承庭訓：「無殘心，無奸行，無恣逞以

殺生。」更因決志心宗，以拯世濟民爲本。如是數年，平反大獄者數數，活人無算。市衆無不津津樂道「青天再現」！

先大人素仰佛乘，精研內典。年四十，見國家多難，人心緣溺，於是罷政，棲心宗下，師吳興夢齡先生，諮決心要，朝夕不替，雖饗飧不濟，而堅毅不懈。更遍參海內大德：民國二十四年（一九三五年）夏曆二月，投漢陽歸元寺，參鄂之翹楚秀空老和尚，是年四月，緣蘇州李印泉先生之穹窿山謁道堅老和尚，語而契機。同年五月，至蘇之報國寺，皈依印光大師。此三因緣，詳見《維摩精舍叢書》一函《酬語》。

先大人師吳公諱夢齡，夢齡公師張公諱鳳簾。鳳簾公廣東順德龍江鄉人，官四川冕甯縣知事入蜀。初成童，畢誦六經諸子，通百家學，固庭訓家學淵源者也。生性不喜習舉業，年十六，事揚州瑞安悟和禪師，悟公上人具「正法眼藏」，一見器之。簾公服膺侍者三年，行業純一，品操高潔，戒律精嚴，欲出家爲僧，不得父命而止。尋侍郭堯卿夔，夔，江南隱君子也，沈潛儒典，尤深易理，故簾公精《易》。既遇明眼良師啟迪，又丁年明至道，卸職清居，嘗遊學於蓉城新都兩地。與謝子厚、吳夢齡、文澤先諸大老，詠和唱答，函教面請，亦師、亦友，亦指點歸家路之師也。又嘗與新都寶光寺無窮、貫一諸閣黎，更以師友情誼，交接親密。直指心性一脈正法，得賴簾公播種於蜀，培牙茁壯於蜀，而又遍寰宇焉。

竊聞先大人袁老先生煥仙嘗於成都十方堂禪院苦參「德山小參不答話」句，忘餐廢寢，至於嘶啞。住持昌圓法師見而憫之，虔爲加持，終於更闌聞隔壁開門聲而豁然大悟。

民國三十一年（一九四二年），先大人掩關於灌縣靈巖，歷時數月，復行七會。尊宿賢俊以函候，或訪或參者，實繁有徒。而親味醍醐、深沐法乳者，莫不欣欣然自幸也。靈巖七會既已，諸方長老，共省中賢明緇素尊宿，集成都文殊院而議曰：「比來禪德寥寥，曹溪南華寺虛雲老和尚，宗門哲匠也，駐陪都，幸密邇，宜派重員迎其賓省，矜式來學。」衆可之，推昌圓法師與先大人袁老先生往。逆丁行，昌公病，先大人之首座弟子南懷瑾侍師往。時虛老正應當道行救國息災法會於獅子山之慈雲寺。師徒抵寺往謁。通來意，與虛老酬對過從五日，數數拜請駕行，虛老許以明歲冬來，「不然，與老居士道謝辭行矣」。先大人悚然而起，挽以住世，虛老領之，於是親書一偈贈之。偈曰：「大道無難亦無易，由來難易不相干，等閒坐斷千差路，魔佛難將正眼觀。」

民國三十二年（一九四三年），蜀中碩彥大竹簫敬軒、巴縣朱叔癡、榮縣但懋辛、潼南傅真吾等衆，百數十人挽先大人，主導維摩精舍於成都提督東街三義廟。時以陸沈既久，凡庸輕蔑，邪外交詆，不少爲顧。秋九月，精舍有榴十年不花不實，於茲吐艷，一蒂三花，大衆訝之。一時軍政首要、學者士子、家婦販夫都先後來集，問道求法。先大人不辭風狂雨晦，隆凍驕陽。日必造舍，饜衆

啟請，隨緣說法，迪人心慧。集衆無不心領神會，歡躍而去。先大人常解私囊，煮茗品衆。人有供奉者，輒設午餐，以饗貧困參客。而家固貧亦不之顧也。

爲謀求宏法，嘗從當時執政遴選爲國大代表。民國三十五年（一九四六年），去南京，向心佛乘者咸來禮問。又成立首都維摩精舍。時陳誠、陳立夫、周宗岳等執弟子禮，時來參叩，但以佛法供人，不及其他。人強詢以政，不得已，揭《我之國是》，但求全國團結以御外侮，安息以厚民生。

先大人曾赴臺灣講學，時有日本東本願寺和尚來參叩問法，和尚頂禮三拜，長跪舉右手而伸一指曰：「請問先生這是甚麼？」先大人起立厲聲曰：「我日你媽哟！」老子這裏一樣都莫得，東比西畫作麼！」和尚驚起拂衣而去。此因緣若以俗情觀之，全爲逆水之機，毫無順水之意。當時左右侍亦有怨「先生脾氣太不好」者。先大人平然！翌日，和尚具備儀禮恭敬頂禮謝恩，復長跪，請爲弟子，同偕之日本僧人、臺灣善知識多人，都懇請爲弟子，懇求留台。異口共贊曰：「先生之勘人斬葛，不下宋之妙喜！希有！希有！」閒談間及程儀長官接收臺灣涉及寺廟事，先大人曰：「你寺無佛法？」和尚曰：「有。」曰：「胡有斯言？」和尚曰：「高明。」曰：「低暗也無！」和尚復頂禮！先大人之語不亦宜乎。（子貢曰：「夫子之牆數仞，不得其門而入，不見宗廟之美，百官之富，得其門者或寡矣。」）故臺、日善知識再懇祈留臺，先大人固辭。逾年返川，回鹽亭原籍競選國大代表，志在弘揚佛法。落選後，遂留成都，主導維摩

精舍如故。

一九四九年前，先大人常往來于內江、重慶、潼南、鹽亭、中江各地，任衆參叩，敷演大乘。覺者都合十而相慶曰：「幸運，幸運，得遇正法眼藏！」四十九年後家居休養，嗜道者亦每往參謁，接渡如常。一九六六年，「文化大革命」初起，溘然圓寂。享年八十（一八八七—一九六六）。

先大人常寫日記，累數百冊，頗富懿言嘉行及史料。又作詩、文、詞、偈及聯千百章，都在「文革」中散失，《維摩精舍叢書》第一函雕板亦毀。第二函未及匯刻亦毀，現尚保存者，僅《心經三講》，《通禪與王恩洋》，《東方學術界之函討》，《說莊子齊物論》四部而已。

嗣女 袁淑平 沐手拜撰

夏曆歲次癸未年（二〇〇三年）端午吉日

維摩精舍簡介

「維摩精舍」是鹽亭老人袁夫子煥仙先生，髫年鞭笞子史，壯歲奔走，英雄利鎖名縈，浮雲等視，賢關聖域，流水而觀。棲志心宗，潛沉內典，行腳遍天下，散盡億萬家財，忘軀苦參一個話頭，抵老溘然發明大事，講學教化之道場也。

「維摩」者何？取譬印度維摩詰居士之名與教化事迹義。

「維摩詰」又者何？梵語，人名。音譯：毗摩羅詰。維摩詰；義譯：

淨名，滅垢名，無垢名。釋迦牟尼佛之在家弟子，乃中印度妙喜國毗耶離城長者。精通大乘佛教教義，修為高遠，雖佛陀出家弟子猶不能及。嘗居之房舍僅一方丈大，一床獨居，別無侍者眷屬，但其舍能容萬百千獅子座。嘗稱病，云：「衆生病，是故我病。」佛陀令文殊菩薩等前往探病，彼即以種種問答，無礙辯才，遊戲神通，提示空、無相等大乘深義，默然示現「真說不二法門」。以故，取譬此義而名「維摩精舍」。

「維摩精舍」創建於夏曆歲次癸未年（一九四三年），設置於成都提督東街三義廟內。四川省諸賢：潼南傅真吾、大竹簫敬軒、巴縣朱叔癡、榮縣但懋辛諸先生等籌組，恭迎先師主法。向當時政府立案之文卷，現存四川省政府檔案櫥中。繼之嘗分及行化於灌縣（今名都江堰市）之靈巖寺、峨嵋山之大坪寺、成

都文殊院、堯光寺、寶慈佛學社以及內江、潼南、重慶、南京、臺灣、鹽亭、中江等名山寺院地區。凡能所及必有省悟，尤以靈巖、大坪兩個禪七法會接引開悟者衆。釋通禪（即南懷瑾）、釋通寬、楊光代、朱叔癡、釋通永、釋通遠、釋通超等契人深切，時有袁先生門下峨嵋五通仙人之說。現法雨澍歐、亞、美等洲，盛港臺兩地。南京設首都維摩精舍於羊皮巷，鹽亭設維摩精舍於紫巖寺，餘所行化大都設舍。及門弟子無可算計，以伍心言、范天篤、徐劍秋、林梅坡、李範中、傅養恬、傅淵熙、傅仲穆、田肇圃、吳景伯、楊介眉、林翼如、呂寒潭、謝鎮中、李緒恢、許衡生、沈天澤、黃人俊、鄧岳高、李更生、陳潛溪、王廼鶴、釋通義、釋通衆、釋曼達、蕭奉來、傅金鑒、盧官伯、楊志堅、甘典夔、許人貴、方含光、徐啞文、藍雅蘭、廖允中、錢宗本、王治易、方仲文、王玉文、李立人、蔣述法、周迅予、王建中、雷清成、雷少成、楊南蓀、張資平、何又密、陳立夫、陳誠、王勵勳、陳謙愚、陳雲章、虞任公、饒文萱、王桐如、何子敬、金廉溪、許毓生、苟書丹、黃體仁、李雲諳、袁其容、鄧明罄、李林書、陳雲中、封少成、朱叔癡、伍所南、劉立言、袁本超、雷雨三、饒盛華、鄧叔清、李夢余、江東之、釋演觀、釋普書、釋普明、申介屏、王子蹇、陳耀余、許建業、曾鶴君、冷笑岑、汪克成、周宗岳、曹仁剛、馬白眉、廖兀蚪、釋普願、曾普仁、楊鷺溪、雷正修、高注東、于幫、鄧春和、傅文光、謝來賓、徐仲禮、潘子玉、傅丕承、黃爾壽、陶發祺、曾懷普、黃義宣、李賢湛、龔淑芳、黃周平、陳斗南、李國柱、胥鴻宗、范澤高、范華高、譚元俊等而爲賢首，自申李君乃侍巾

瓶而至末者也。

上之諸賢，多有奇趣妙緣，難以罄及，略舉二三以明之。

南大師兄懷瑾，浙江樂清人。出身書香門第，課責綦嚴。成童，講求六經，通會詩詞。稍長，喜習武術，樂探多門。壯歲，遭日本侵華國難，憤志戎裝，以扶起破沙爐為自任，領成都中央軍校教鐸。緣遇袁翁煥仙夫子，執弟子禮，學般若，兼或遊戲詩文，得「超韻三昧」。師兄恭寬信敏，才調逾倫，既得明眼循循善誘，當機呵斥，於靈巖禪七了澈本來。自常與光岱、傳西、白眉曰：「斯亦奇緣也，倘非國變，何緣入川，倘不入川，這段提不起放不下的公案，從何處了？仔細思量，真是令人汗淚交傾！」

師兄初謁先師於靈巖，先師即有示曰：「懷瑾諦聽：在山數十日，竊見諸禪德巍然自拔，有獨立振衣之慨，老人至喜也。攝其衆向道，導其徒回車，風其儔化行方國者，實為懷瑾。」繼而又誡之曰：「而懷瑾律已過嚴，責人如己，老人至慮也。律已嚴，可也；責人如己，不可也。何也？律已嚴，過必遠；責人嚴，衆必滅。衆果滅矣，汝縱口如河，沛法若雨，其誰輔汝紹隆玄化而導行天下？古人所以有遇風而息之懼也。」更有重要開示於後曰：「燃千聖之心燈，續四生之慧命，不必外期友朋，要在自育一期超士。所以孔子道行，內有顏、閔、曾、仲，不假外交伯玉、原讓。懷瑾此後念頭當改，不然徒滋煩憂耳。」師兄信受奉行如顏回，得一善則拳拳服膺而弗失之矣。

靈巖禪七後，不五月，師兄遁迹峨嵋山大坪寺閉關閱藏，清居四川樂山五通橋覽《永樂大典》，之康藏學密；遊學滇池；保任長養，又潛家鄉讀《四庫全書》。繼而隻身去臺灣行教，勝唱一音。著書等身，成書三十餘卷種：還原《大學》，別裁《論語》，旁通《孟子》之浩然，隨判朱程之迂拘；他說《道德》，普解《南華》，白話雜說解《易經》，撥亂反正是隱士。點眼《金剛》，圓通《般若》，公道「密法」，今釋《二楞》，略講《宗鏡》，蠡測禪海。諸法本乎一心，三教理無二致，殆所謂冠冕百家，括囊千聖，告諸往而知來者也。又東渡日本，西航美國，澍雨開雲，振聾發聵，聲響異邦。個人承修中山先生建國計劃中之金溫鐵路，資助十餘所大學獎助金，種種諸多實際事，由此當知學佛學道要在行願也。


南懷瑾諸著述與《維摩精舍叢書》，有一紅綫串連，若讀《維摩精舍叢書》不懂，可讀南著諸書即明白；若讀南著諸書，領悟不到，把握不住綱領重點者，精研《維摩精舍叢書》，自然明明瞭瞭。苟能玩索而有得焉，則終身用之，有弗能盡者矣。

師兄徐劍秋者，果州士子，從蒲伯英先生游甚久，染彼名士之習亦深。嗜象棋。寓成都時，嘗喜之提督東街三義廟前面之近聖茶園品茗對弈，先師亦喜於該園品茗下棋，遂結為棋友。一日正弈戰酣中，侍者來請曰：「先生，講經時間到。」先師罷弈將行，徐驚愕曰：「講經？誰講經？」先師曰：「我。」徐

曰：「你還講得來經，你講甚麼經？」曰：「《中庸》。」徐曰：「你能？你敢講《中庸》？我去試聽聽如何？」先師曰：「可。」於是徐即隨行聽講，時正講至《詮中庸之勝義次第、拈東西學者之失》章次。聽罷讚歎不絕，連連稱稀有！跪稱弟子。從此每次早到，自始至終不缺一席。講完聽完後，一夜即作《中庸勝唱體系表》敬呈之。現載《維摩精舍叢書》一函《中庸勝唱》中。

既後，徐寓重慶時，有一著名法師於渝講經，徐與彼會聽講。一日息講放參，法師請徐客堂品茗閒話。品茗間，法師忽問曰：「據聞袁先生門下破參的學人都有幾十，確乎否？」徐曰：「那裏！那裏！謠傳非確。幾百啣！」法師笑而拈鬚，再飲茗而語曰：「徐先生，我有一偈願聽否？」徐曰：「願樂欲聞，請法師講。」法師曰：「佛法本來無，云何言破參？庭前柏樹子，莫要自相瞞。」徐曰：「很好，我亦有一偈，法師願聽否？」曰：「願聽。」徐曰：「佛法本來無，有無參不破。庭前柏樹子，一舉兩頭錯。」法師無對，徐則拂袖而去。事後，法師則罷講。嘗私造徐寓，切切閒話，徐亦多所發藥，因之結爲法中契友焉。

李師兄更生者，蜀之平民士子，性慧純敏，質直誠篤，不喜宦途，精工黃帝歧伯之典，懸壺濟世。趣密乘，通藏文，投先師門下學般若，心正意誠，清居精舍良久。五十年代間，政府分派參與之西藏辦衛生院，院務草創俾成，然無一




李更生先生照

病人問津。諸人固知藏地政教合一，民首信教而次政，而藏僧法王又宣稱閉死關，禁不見人，醫院困情，無法疏通，同事都無所措。李曰：「我有一法可試用，伊見則善，不見則罷。」次日李偕二三人同去法王關房，護關者曰：「關中素不會客。」李曰：「我此小紙條，請闍黎轉法王。」彼應諾。稍頃，法王傳出。李曰：「請慢。」又曰：「法王令衆病人俱來我院治病，然我院初成，人員不多，病員齊至，恐難應對。」法王曰：「應如何乃是？」曰：「請令分期分寨輪流可以。」法王從之。至第三日，病人則有規矩，分先後到院求治病矣。至今數十年亦然。同事間嘗謔語笑曰：「李醫生真有一言興邦之才！」李謙笑曰：「非也！般若之無量力也！」李於該醫院爲藏族同胞服務至近古稀始退休。虽年近期頤，猶思意清晰，胸懷慈悲，在家隨緣與樂人焉。

李之小紙條究竟寫了個甚麼大神咒，大明咒呢？竟如此靈驗呢？其文曰：「宇宙無邊，森羅萬有！閉那一關？有商量者麼？」

又：王治易、方仲文、周迅予、蔣述法者，蜀之政、警、特界人物也。亦投維摩精舍，拜先師門下，稱弟子學般若。實學般若乎？非也，乃是偵察監視

耳。而先師則以「有教無類」、「本性平等」、「一闡提皆可成佛」、「善緣惡緣都續慧命」之大慈悲精神，如父母之於愛子，嚴而不刻，諄諄教誨，切切誘掖，終於激發彼諸子之人性影子。雖未稅駕，揚鞭之慨已潛於念初也。始有後之親領眷屬及友朋拜跪稱弟子之趣事。無形中使彼時敷教行化，省去幾多俗事麻煩。豈非世尊未宏法而先降魔之義一也乎？



照師老光含方

又：方老師含光，法名法海，世居成都西御河沿街方家大院，畢業於成都女子師範學校，小學老師終身。人少稱其名，咸稱曰方老師。其立志於教書職業者，固出書香庭訓也。恒就業於提督東街三義廟小學，恰與維摩精舍如鼻口毗鄰，常聞先師敷演勝義。諺曰：「近山聞鳥音，近聖聞勝義」，非宿值德本，焉能遇此善緣乎？

方含光先與中江李子民家諸姊妹友善，彼諸姊妹皆師兄郭正平學生，而方又得天然善緣，師郭正平席下授教。近半世紀來，吾儕師兄弟，各有因緣而東而西。方含光家道清貧，終身教書，有恒業而無恒產，未受極「左」思潮及「文革」風浪，平安世壽八十又六而壽終正寢。如此長時，幾番風雨，家中奉佛未休，隨緣說法未輟，都攝一批勞動平民少有文化之老嫗。因材鳴鐸，囁囁叨叨，